

李文忠公奏稿

李文忠公奏稿

卷之六十二目錄

直境黃河擇要修築片

光緒十四年正月二十一日

東海關撥款緩解片

光緒十四年正月二十一日

電綫並學堂報銷摺

附清單
光緒十四年正月二十二日

直東南運減河工費片

附清單
光緒十四年正月二十二日

四快船到華酌定餉章摺

光緒十四年二月十九日

籌撥毅軍月餉片

光緒十四年二月十九日

銘軍定造小輪船片

光緒十四年二月十九日

派郭長雲赴漠河片

光緒十四年三月十一日

葡萄牙換約竣事摺

附清單二件
光緒十四年三月十九日

出海驗船片

光緒十四年三月十九日

鑄錢機器工費片

光緒十四年三月十九日

請撥鑄錢銅鉛工費摺

光緒十四年三月十九日

九江陸綫擬接南雄摺

光緒十四年四月十四日

駕駛快船回中保獎摺

光緒十四年四月二十七日

電報報銷摺

光緒十四年四月二十七日

籌撥朝鮮電報經費片

光緒十四年四月二十七日

兩借洋款以應鄭工摺

光緒十四年五月初十日

保定請建昭忠祠片

光緒十四年五月初十日

新購雷艇酌定餉章摺

光緒十四年五月初十日

挖泥機器經費片

光緒十四年五月初十日

籌撥鎮海修費煤價片

光緒十四年五月初十日

請緩鹽課奏銷摺

光緒十四年五月初十日

查復海防報銷摺

光緒十四年五月二十四日

李文忠公奏稿卷六十二

全集一之六十二

桐城吳汝綸編錄

直境黃河擇要修築片

光緒十四年正月二十一日

再欽奉光緒十三年九月十二日

寄諭鄭州決口將來堵合後河流依舊北趨著趁此湍流驟減易於施工將東明長垣開州一帶河身及時挑浚並將兩岸隄埝加築堅厚等因仰見

朝廷先事籌防至意欽服莫名臣於鄭州決口後業飭前任大順廣道誠勳督同在工員弁將直境黃河詳細察勘趁此水落分別籌議稟辦並於上年奏報另案工程摺內陳明在案欽奉前因又疊飭現任大順廣道羅錦文署大名管河同知姚彥並添派委員前往確查河長八九十里寬數里若普律挑浚工程極大需費極

繁直力萬萬不及卽於北面酌量抽溝數處亦需土方銀二三十萬兩且汛漲水勢鋪漫而來不能以人力束入一二十丈之新溝避出南岸老險勢必旋挖旋淤工無實際值此庫藏奇絀未敢虛糜鉅費測量兩岸河灘高於中洪一二丈不等河身尙可容水惟東明上中下三汛南隄六十餘里均有險工歷年盛漲冲刷未及加培其卑薄處所亟應擇要修築藉資抵禦據羅錦文督同姚豸等擬分別加培套隄大隄使其高厚堅實並添築前後戢隄幫寬各壩尙合機宜臣已調派大名鎮總兵徐道奎所部練軍步隊卽於春融赴工力作一面募雇民夫同時趕辦並購西洋小鐵路五里連運土鐵車一百輛由隄外遠處運土往返捷速省工省費又開州境內金隄九十餘里向爲北岸保障年久失修殘缺已甚若不擇要加培實慮離河較近之處汛漲北越亦經派員會同該州

勘估及時雇夫修辦以上土方工價並廂掃備防料價鋤筐雜物
鐵路購運運槁等項所需不少容臣督飭藩司及天津釐局竭
力措湊應急以免部臣籌撥爲難至長垣南岸本止小隄離河較
遠向無汛守尙可緩辦此外止岸民埝分飭各該州縣勸諭民間
自行設法修培仍不得逼東河流致礙大局其有未盡事宜容飭
該道等隨時察看妥籌防範以期有備無患合將現在擇要修辦
東明開州河隄工程情形附片覆陳伏乞

聖鑒訓示謹

奏

東海關撥款緩解片

光緒十四年正月二十一日

再前准戶部咨東海關奉撥光緒十三年京餉五萬兩除現撥河
工銀二千九百餘兩其餘銀四萬七千餘兩應迅速籌解或提取
常稅設法騰挪等因當經轉飭去後茲據東海關道盛宣懷稟稱
十三年奉撥京餉應在六成洋稅項下報解無如該關六成洋稅
歷年收不敷支本年又奉撥部購鉛價銀一萬兩本省河工銀三
萬兩滇餉銀六千六百餘兩撥款更多益難周轉計自光緒十二
年十二月初八日第一百六結起至十三年十一月十七日第一
百九結止計四結共收中外船隻六成稅暨半稅銀十九萬七千
七百餘兩除儘數支解外尙在船鈔項下借墊銀九千餘兩均經
按結造報有冊可稽至常稅結至光緒十二年九月十七日關期
報滿止計不敷銀二萬七千三百餘兩不特十二年以後泰安輪

船經費常稅無可動支卽十一年分應在常稅動用之蚊船經費亦不能就本款撥解支絀情形倍於疇昔且黃河自鄭州決口大溜南趨鐵門關水道枯涸船不能入常稅愈形蕭索每月收數僅供海防練軍薪糧軍火及應支經費尙多不敷實難另再提取前請將洋藥加徵釐金撥供泰安輪船經費卽因常稅無款借動起見該道亦知部庫需款儻可籌畫敢不竭力通融無如常洋各稅難掘俱窮前項京餉委無騰挪之法查該關歷屆京餉報解未能足額疊蒙

恩在展緩免議有案稟請奏咨前來臣復加查核確因稅項收不敷解並非無故延欠且本屆已另撥部購鉛價及本省河工等款四萬六千餘兩實已不遺餘力所有該關奉撥十三年分京餉除解河南河工銀二千九百餘兩外其餘銀四萬七千餘兩相應仰

懇

天恩俯准照案展緩免其議處俟稅收稍旺再行補解理合會同
山東撫臣張曜附片具陳伏乞

聖鑒訓示謹

奏

電綫並學堂報銷摺

光緒十四年正月二十二日

奏為南北各省電綫官督商辦核明光緒十一年山淮軍餉內津貼巡費並電報學堂用款及電具價冊循案報銷繕單仰祈聖鑒事竊照天津至上海又天津至北通州及蘇浙閩粵等省設立電綫官督商辦由淮軍餉內開支津貼巡電弁兵糧乾並電報學堂用款業經臣截至光緒十年十二月底止分晰彙開清單於十三年二月初九日專摺

奏銷奉

硃批該衙門知道單併發欽此並遵照部文另造細冊咨送核銷在案查電綫經費本係淮軍用款分外之事自應循案歸經辦之員月行報銷仍於淮軍案內將動撥銀兩照數登除飭據督辦電報事務山東登萊青道盛宣懷核明十一年分舊管存湘平銀一

百二十七兩有奇新收湘平銀四萬七千七百八十兩有奇開除天津至上海與北通州津貼巡護電綫馬乾口糧及巡房修費湘平銀一萬一千八百五兩有奇又蘇浙閩粵巡護電綫馬乾口糧等湘平銀一萬八千一百七十七兩有奇又天津電報學堂經費湘平銀一萬二千一百八十一兩有奇又行營電具價腳湘平銀三千七百九十四兩有奇實存湘平銀一千九百五十兩有奇應歸十二年分報銷詳請核奏前來臣查電報之設信息靈通有裨軍國大計此次自光緒十一年正月起截至十二月底止開支各款均照上屆成案實用實銷並無絲毫浮冒除飭將支給細數分晰造具清冊咨送總理衙門戶兵工部查核外相應繕具簡明清單恭呈

御覽仰懇

天恩俯准照銷理合恭摺具陳伏乞

皇太后

皇上聖鑒謹

奏

謹將光緒十一年分津貼南北各省巡護電綫馬乾口糧電
報學堂用款及行營電具價腳繕具清單恭呈

御覽

計開

舊管

上屆報存湘平銀一百二十七兩八錢六分二釐六毫八絲二忽

二微折合庫平銀一百二十三兩三錢八分三釐八毫四絲八忽

五微

新收

一收淮軍餉內撥放津滬北通州巡費湘平銀一萬一千八百五

兩一錢一分九釐六毫

一收淮軍餉內撥放行營電具價腳湘平銀三千七百九十四兩

七錢五分八絲

一收淮軍餉內撥放天津電報學堂經費湘平銀一萬二千一百

八十一兩七分七釐六毫

一收上海銀行借墊蘇浙閩粵巡費湘平銀二萬兩

查蘇浙閩粵巡費原議每年官貼銀二萬兩本年因所撥官款未及領到各汛紛紛稟請散放暫在上海銀行借墊仍俟前項巡費給領歸還清款合併登明

以上共收湘平銀四萬七千七百八十兩九錢四分七釐二毫八絲折合庫平銀四萬六千一百七兩二錢五分三釐九毫六絲一忽一微

開除

一支由津至滬十一年分津貼巡電弁兵馬乾口糧等湘平銀一

萬七百三十六兩

一支由津至北通州十一年分津貼巡電弁兵馬乾口糧等湘平銀一千六十九兩一錢一分九釐六毫

一支蘇浙閩粵十一年分津貼巡電弁兵馬乾口糧等湘平銀一萬八千一百七十七兩六錢五分六釐

一支天津電報學堂十一年分經費湘平銀一萬二千一百八十一兩七分七釐六毫

一支行營電具價腳湘平銀三千七百九十四兩七錢五分八絲以上其支湘平銀四萬五千九百五十八兩六錢三釐二毫八絲折合庫平銀四萬四千三百四十八兩七錢四分三釐八毫七絲七忽二微

實在

存湘平銀一千九百五十兩二錢六釐六毫八絲二忽二微折合
庫平銀一千八百八十一兩八錢九分三釐九毫三絲二忽四微

直東南運減河工費片

光緒十四年正月二十二日

再直東兩省籌修南運減河並四女寺河頭改壩建閘暨修築隄
埝橋梁等項以工代賑前經臣等奏報聲明竣將用款開單彙
奏免造細冊奉

硃批著照所請該部知道欽此轉行欽遵在案旋准工部咨應照
例詳細造冊取具印委保固年限甘結送部核銷等因臣等查此
工關係畿南兩省利病甚鉅既不能緩辦又未敢照劉恩溥原奏
月請部款僅就直東工賑項下竭力通融勻撥卽集附近災民酌
給方價以工代賑使多年廢河及時修濬窮黎咸資餬口實與尋
常照例估辦工程不同且河身挑長至五萬數千丈土方多至一
百數十萬連建閘各項剋期竣事祇用銀十三萬九千二百四十
三兩零又較原估省銀四千餘兩臣等遂款鈎稽委係力求撙節

毫無浮冒凡料物均按時價實發並不剋減窮民土方則以就工之災民計口授食斷難照遠年例價遷就造報轉致虛偽自應仍遵前奉

俞旨開單奏報免造冊據道員金福會具詳前來除飭取保固結月送工部外謹開列用款工段丈尺做法清單恭呈

御覽仰懇

天恩俯准照辦以昭核實而省繁費理合會同山東撫臣張曜附片具陳伏乞

聖鑒訓示謹

奏

謹將籌修直東南迎減河並於四女寺河頭改壩建閘暨修築隄埝橋梁等項川款工段丈尺做法開具清單恭呈

御覽

一直隄撥銀六萬二千二百七十二兩六錢七分四釐二毫

一山東撥銀七萬六千九百七十兩四錢五毫

以上共撥銀十三萬九千二百四十三兩七分四釐七毫

一挑恩縣境內減河自四女寺迎河東岸起至陳公隄止工長五百六十三丈三尺三寸挑成口寬八丈至十七丈底寬三丈至十五丈深九尺至一丈二尺兩面十丈外出土平攤除空土外計挑實土五萬七百二十三方二分用銀五千八十七兩五錢三分七釐

一挑德州境內減河自陳公隄起至九龍廟入禹津河止工長一

千六百十丈再自入鬲津河起至青賢寺止工長七千四百四十八丈四尺四寸挑成口寬八丈底寬三丈至四丈深六尺至一丈兩面十丈外出土平攤除空土外計挑實土三十萬二千九百八十八方一釐支用銀三萬四百三十二兩二分

一挑吳橋縣境內減河白青賢寺起至黃家鎮止工長八千九百九十五丈六尺三寸挑成口寬八丈至十二丈底寬四丈至八丈深五尺至九尺兩面十丈外出土平攤兼一面出土挑培鬲津河老隄除空土外計挑實土十八萬五千七百四十一方三釐支用銀一萬八千一百四十四兩九錢七分三釐

一挑甯津縣境內減河白黃家鎮起至苟家寨止工長七千五百六十二丈三寸挑成口寬七丈五尺至十一丈底寬三丈至七丈深六尺至九尺四寸兩面十丈外出土平攤兼一面出土挑培鬲

津河老隄除空土外計挑實土十五萬四千八百七十六方三分五釐支用銀一萬五千一百二十九兩八錢四分八釐五毫

一挑南皮縣境內減河自馮莊起至舊縣鎮止工長五千九百三十八丈二尺三寸挑成口寬七丈至十五丈五尺底寬三丈九尺至十二丈五尺深五六尺兩面十丈外出土平攤兼一面出土挑培鬲津河老隄除空土外計挑實土十三萬三千三百二分二釐支用銀一萬三千二十二兩二錢七分四釐一毫

一挑樂陵縣境內減河自苟家寨起至卞莊止工長九千七百六十九丈五尺一寸挑成口寬六丈五尺至十五丈底寬三丈至十二丈深五尺至八尺兩面十丈外出土平攤除空土外計挑實土十八萬四千九十方二分三釐支用銀一萬八千一百三兩一錢

六分七釐

一挑慶雲縣境內減河自下莊起至北臺村止工長七千二百十八丈七尺八寸挑成口寬六丈至八丈底寬四丈至五丈三尺深二尺五寸至五尺兩面十丈外出土平攤除空土外計挑實土十一萬四千六百三十二方七分二釐支用銀一萬一千一百九十八兩四錢五分三釐四毫

一挑鹽山縣境內減河自舊縣鎮起至王家莊止工長三千三百五十丈九寸挑成口寬六丈至八丈底寬二丈八尺至四丈二尺深三尺至七尺兩面十丈外出土平攤除空土外計挑實土四萬八千九百六分三釐支用銀四千七百七十七兩一錢二分五釐二毫

一挑海豐縣境內減河自王家莊起至新集村止工長二千三百六十六丈八尺八寸挑成口寬六丈至七丈底寬四丈二尺至五

丈六尺深二尺四寸至四尺兩面十丈外出土平攤除空土外計挑實土二萬九千四百三十一方三分四釐支用銀二千九百五十一兩九錢六分

一改建恩縣境內四女寺河頭石閘一座計五空每空各寬一丈六尺進深三丈兩碼頭各高深一丈三尺七寸迎水石海墘上寬十一丈二尺下寬十三丈四尺進深二丈四尺出水石海墘上寬十一丈二尺下寬十四丈四尺進深四丈又接石海墘上寬十四丈四尺下寬十五丈六尺進深六丈又接灰海墘上寬十五丈六尺下寬十六丈八尺進深六丈兩間牆各長三丈高深一丈三尺七寸迎水石翅各斜長二丈七尺高深均一丈四尺七寸出水石翅各斜長四丈四尺高深均一丈三尺九寸東水石牆各長六丈高深均一丈四尺四寸又接灰牆各長九丈高深均一丈五尺分

水石牆四垛各寬八尺長三丈高深一丈四五尺開基全築灰土
滿釘地樁石牆背後培石培磚並築灰土素土石塊滿扣鐵錠開
板絞關軸齒鉤繩鐵件俱全開上迺橋計長十二丈面寬一丈四
尺兩旁欄杆左右挂板

一開座用料數目

查石料係奏准拆用四女寺哨馬營兩處舊壩石牆按尺方計二
千一百三十七丈五尺六寸又海墘石板按原厚尺寬計一千九
百五十八丈三尺九寸外計需用白灰二百四十七萬二千六百
十斤柏木地樁五千二百四十二根條磚十六萬五千五百二十
四塊白楊木開板一百塊松木五百三十料松木橋樑二十五根
鐵錠五千七百箇合四萬五千六百斤江米一百二十包合一萬
九千二百斤鐵件三千九百六十斤劈柴二十七萬四千斤白礬

一千斤桐油二千七斤麻刀八百五十六斤鋤鐵片二千斤

以上兩項共用銀二萬三百九十五兩七錢一分六釐五毫
統共支用銀十三萬九千二百四十三兩七分四釐七毫

四快船到華酌定餉章摺

光緒十四年二月十九日

奏為新購英德兩廠四快船業經到華酌定人數餉數照章赴海軍衙門支領恭摺仰祈

聖鑒事竊前在英德兩國船廠訂造快船四號英廠兩號名曰致遠靖遠德廠兩號名曰經遠來遠約定光緒十三年春夏開工成經臣奏明飭派英員提督珞琅威理於十三年正月初先往英德兩廠驗視並派管帶官參將鄧世昌等帶同弁兵於二月初由津出洋會同珞琅威理接收船駛來華因遠涉重洋數萬里沿途又須操練派往官弁不敷每船須商屬精於管輪駕駛西員八名幫同管駕以昭慎重隨摺聲明在案旋據珞琅威理節次電報四快船已接收起程惟核計十月間未能駛抵大沽海口其時北洋封凍當飭在廈門海口操練過冬並派統領水師總兵丁汝昌督帶所部

各船前往廈門會同琅威理逐一驗收將隨來西員除酌留外先行分別遣回以免久候糜費所需四船薪餉酌照濟遠船定章辦理其出洋員弁薪餉雜費卽於定章之日住支與遣撤回國西員薪水川資等項均歸接船款內彙報等因嗣據丁汝昌稟稱抵廈後十月杪四船亦到會同琅威理驗明各船與原訂合同相符船身礮械機器均係新式較濟遠堅固寬敞計四船共酌留洋員十三名餘皆遣撤回國各船人數餉數酌照濟遠擬定每船官弁水手升火匠役二百二員各月支薪糧公費京平銀三千六百三十九兩又每船歲給醫藥費京平銀二百兩均自十三年十一月分起支洋員十三名每月共支薪餉平銀二千五百二十兩自十三年十一月十八日卽西歷一千八百八十八年正月初一日起支臣復飭支應局司道確核與濟遠船名餉章程離開石酌改

而月支總數仍屬相符應即照擬辦理將來有須斟酌損益之處
再隨時咨報立案現留洋員俟原訂六箇月並一年期滿照議給
予頭等船費遣撤回國如何須留用屆時察看核辦該四船應需
煤斤油修並添購料件製辦旗幟號衣及冬季棉號衣褲等項雜
支用款每年約需銀十餘萬兩難以預計確數應援照定額濟三
艦成案摺節動支實用實銷至該四船餉項業經海軍衙門奏明
籌發前已領過銀五萬兩本年應領各船薪餉並洋員薪水煤
斤雜支等項若干卽當核明給咨委赴海軍衙門請領以資撥
放而濟要需其訂造價銀及出洋接船經費另飭分起開報請銷
所有該四船到華後酌定人收餉數並洋員名餉訂定年限除開
清單分咨海軍衙門總理各國事務衙門戶兵工部外理合恭摺
具陳伏乞

皇太后

皇上聖鑒敕下各衙門查照再臣已於二月初七日抵津俟丁汝昌等駛船至大沽海口再親往察驗另行奏報並將船身寬長喫水深淺丈尺馬力若干咨合併聲明謹

奏

籌撥毅軍月餉片

光緒十四年二月十九日

再毅軍月餉向由河南撥濟前因豫省工賑緊要暫難兼顧經海軍衙門奏明將光緒十四年應需銀二十九萬三千餘兩由海軍衙門戶部各撥銀六萬兩豫省仍籌撥銀十二萬兩尚不敷銀五萬三千餘兩由天津支應局湊撥以爲周轉一年之計自光緒十五年
年起仍由豫省全數撥解並在戶部將應撥銀六萬兩飭由豫省在於應解京餉內劃解在案茲據統領毅軍四川提督宋慶派員請領月餉而海軍衙門及豫省銀兩尙未撥解到津自應將原派支應局之五萬三千餘兩先行籌撥查該局收支海防經費本係入不敷出竭蹶異常惟毅軍駐紮旅順拱衛

陪京餉項關繫重要不得不挪湊應急擬於天津釐金項下暫行設法勻撥洲平銀五萬三千五百九兩九錢二分藉濟軍食仍由

豫省彙案造報並咨催豫省將奉撥銀兩迅速籌解其海軍衙門
應撥之款由臣月行派員請領以資接濟據支應局司道具詳前
來除分咨海軍衙門戶部暨河南撫臣查照外理合附片陳明伏

乞

聖鑒謹

奏

銘軍定造小輪船片

光緒十四年二月十九日

再准軍銘字各營上年經海軍衙門奏調駐防奉天金州之大連灣承辦礮臺工程據該統領提督劉盛休稟稱大連灣孤懸海澳水深岸遠該軍分布東中西三路俱各建臺築營陸路相距幾及百里海程亦距一二十里若雇民划過渡動需六七時之久且每日風浪甚大民划難行尤慮貽誤軍情束手坐困請酌派行海小輪船一隻赴防應用當因無船可撥檄飭江海關道龔照瑗於上海各船廠訂造旋據覆稱詳細考訂即在上海耶松船廠定造行海小輪船一艘底包銅皮喫水七英尺船長一百二十英尺闊十七英尺深八英尺八寸半用三管合交康邦新式機器馬力一百二十四限五箇月完工計需價銀一萬六千七百餘兩分期由滬關籌付抵解淮軍月餉等情前來伏查銘軍承辦大連灣海防工

程浩大急需小輪船應用添造實不可緩所議船式尙屬堅利價
值亦較便宜應飭照議訂造剋期完工驗收進往此項行海小輪
船係由內地洋廠承造價歸准軍月餉勻撥不另請款與定辦外
洋鐵快大輪船辦法不同事關海防要需自應先行奏明俟驗收
後據實造報除咨海軍衙門外理合附片具陳伏乞

奏
聖鑒敕部查照立案謹

派郭長雲赴漠河片

光緒十四年三月十一日

再照龍江漠河一帶開辦金礦前經臣會同將軍恭鏗覆奏並經總理各國事務衙門議覆准派吉林道員用候補知府李金鏞督辦在案查漠河等處邊遠荒僻經營伊始諸形艱瘁必須得人襄助查有湖北候補副將郭長雲久在吉林琿春帶隊出力究心金礦熟悉邊情茲已交卸營務南旋臣稔知其明練耐勞於東邊交涉機宜頗有閱歷堪以飭赴黑龍江礦局交李金鏞酌量委用俾資得力除檄飭遵照並咨黑龍江將軍知照外理合附片陳明伏

乞

聖鑒謹

奏

葡葡牙換約竣事摺

光緒十四年三月十九日

奏為葡葡牙國換約事竣恭摺仰祈

聖鑒事竊查葡葡牙國即大西洋上年十月間經總理各國事務衙門王大臣與葡國使臣羅沙議定通商條約五十四款洋藥緝私專約三款當即奏明畫押本年三月初據津海關稅務司稟報該使羅沙由滬赴津換約羅沙旋於初九日來謁請期互換臣電商總理衙門奏請

簡派換約大臣將原約本請用

御寶作為批准發下遵辦初十日奉

旨著派李鴻章會同葡國使臣互換條約餘依議欽此由總理衙門恭錄知照並將畫押原本派弁齎送前來臣即擇定三月十八日在天津水師公所公同互換屆期臣率同津海關道及天津道

府通商隨員等該使羅沙亦擊同該國領事緝譯等一併齊集羅沙將葡國批准條約畫押原本交臣驗收臣卽將總理衙門發下

恭用

御覽條約原本交該使祇領彼此核對無訛仍公立換約文憑華洋文一樣二分畫押蓋印各執一分附釘原約之後以昭信守至原約第二款內稱澳門地方現經商定俟兩國派員妥爲會訂界址再行特立專約其未經定界以前一切事宜俱照現時情形勿動彼此均不得有增減改變之事等語臣面詢羅沙據云澳門定界擬俟該國續派使臣駐華另行商辦該使於換約後卽起程回國除將條約原本並換約文憑委弁齎送總理衙門查收備案外謹將譯錄葡國批准和約原文及臣與葡使換約文憑照繕清單

恭呈

御覽並分咨總理衙門暨南洋通商大臣兩廣督臣知照所有葡國換約事竣理合繕摺陳伏乞

皇太后

皇上聖鑒謹

奏

謹將譯錄葡國批准和約原文照繕清單恭呈

御覽

大西洋國大君主爲批准通商和好條約事因於西歷一千八百八十七年十二月初一日卽光緒十三年十月十七日兩國

欽差大臣各奉本國便宜行事之

上諭經已訂立通商和好條約以便兩國彼此遵守並另定專約附於本約之後論及如何設法協助徵收洋藥稅項一節查該和約及附專約各款載明原本列後茲閱悉該和約及附專約等款與本國議政院業已允准在大西洋國里斯波阿京都兩國前議預立節略相符又按照一千八百八十七年七月十三日之條律內第二款今將所有該通商和好條約及附專約各款逐一批准並允許均皆遵守著一體按照辦理是以將該和約及附專約畫

押用寶以昭信守

右在大西洋國理斯波阿公立

西歷一千八百八十八年二月初一日

大清光緒十三年十二月二十日

大西洋國大君主畫押鈐璽

尙書巴路斯額美司畫押

謹將與葡使互換條約文憑照繕清單恭呈

御覽

大清國

大皇帝特派

欽差大臣太子太傅文華殿大學士北洋通商大臣會辦海軍事務直隸總督一等肅毅伯爵李鴻章

大西洋國大君主特派欽差駐紮中國便宣行事大臣羅沙爲公立文憑事案照於光緒十三年十月十七日兩國大臣在北京議定畫押和好通商條約並另定專約附於本約之後論及如何設法協助徵收洋藥稅項一節等款經已彼此奏明欽奉

御筆批准特派

欽差大臣彼此互換今日兩國

欽差大臣在天津公所會晤各將所奉

上諭公同較閱俱屬妥善特將該通商和好條約及附專約原本

公同較閱明晰互相交換即將兩國以

英
法
文
文

曆錄之文憑六分每

文二分畫押蓋印各執一分存據俾昭信守須至文憑者

大清光緒十四年三月十八日

西曆一千八百八十八年四月二十八日

大清國特派

欽差大臣李鴻章

大西洋國特派欽差大臣羅沙

出海驗船片

光緒十四年三月十九日

再新購英德兩廠致遠靖遠經遠來遠四快船於上年十月杪駛抵廈門業飭統領水師提督丁汝昌前往會同洋員琅威理驗收即在該處過冬北洋解凍以後該四船歸隊操巡現由旅順調至大沽海口臣應親往察驗船身礮位及機器馬力等項並駛行里數以重利器前國換約刻已竣事擬將諸務爲部署卽率同水陸營務處津海關道周馥等出海驗駛並順赴奉天之旅順口大連灣山東之威海衛各防所查勘船礮臺工程形勢與諸將領籌布一切所有津署日行事件暫委長蘆運司賀良楨代行代印其緊要者仍封送臣行次核辦理合附片陳明伏乞

聖鑒謹

奏

鑄錢機器工費片

光緒十四年三月十九日

再欽奉光緒十三年正月二十七日

懿旨規復制錢必須廣籌鼓鑄著李鴻章先行購置機器一分就天津機器局趕緊鼓鑄運京備用等因欽此遵飭天津機器局前福建濟司沙保靖等擇要定購英國格林活鐵廠鑄錢機器一分凡可就局中廠屋器具歸併勻用者概不購買俾從節省議明英金五千三百八十三鎊合中國銀二萬二千餘兩水腳保險在外先由該局暫行挪款墊付半價俟機器運到連後半價核明若干一併奏請撥給經臣於上年四月十二日覆奏並以機器由外洋造成運到需時應先用土法鼓鑄解京濟急等因奉硃批著照所請戶部知道欽此轉行遵辦在案茲據沈保靖等呈稱此項鑄錢機器現已到津點收又續經添購錢模連外洋至上

海水腳保險費共合英金六千二百二十二鎊十喜林八本土加
以上海棧租上下擡力起重費並運津水腳共折合庫平銀二萬
七千八百七十二兩九錢二分四釐五毫請奏撥款項分別歸墊
等情前來臣查直隸庫儲極細無款可籌前用土法鼓鑄解京制
錢工本已奉

旨准於長蘆鹽課應解京餉內截用此次購辦鑄錢機器應需價

腳等項事同一律將來開鑄制錢恪遵

欽行專備運京應用此外尙有建造廠屋鍋爐及安置機器工程

擬懇

天恩俯准先撥給銀三萬兩仍在長蘆鹽課應解本年京餉內就

近截留以濟要需俟廠屋各工完竣核明實用確數不敷若干另

行奏撥除將機器價腳細數咨明戶部外理合附片具陳伏乞

聖鑒訓示謹
奏

請撥鑄錢銅鉛工費摺

光緒十四年三月十九日

奏為省津各局代部續鑄制錢解京應用照案請撥銅鉛並工費銀兩以濟要需恭摺仰祈

聖鑒事竊上年遵奉

懿旨飭藩司天津道機器局於省津兩處各用土法代部鼓鑄制錢共十五萬串內省城一局五萬串天津兩局十萬串省局所需銅鉛係由部購運津洋銅鉛項下撥給其餘工費及津局所需銅鉛價工費由長蘆鹽課應解上年京餉項下撥給奏奉

批旨著照所請欽遵在案此項制錢十五萬串業據該司道依限鑄竣一律解京前於津局將竣時曾咨詢戶部如無須再鑄即可停撤鑪座遣散匠役否則及早定議以免守候糜費部覆以京城規復制錢需用甚鉅直隸寶津局新鑄者字畫清楚錢質光潔

應接續鼓鑄解京等因當飭戶局與津局一體遵照續鑄茲據藩
司松椿天津道胡燏棻天津機器局前福建藩司沈葆楨等議詳
前來臣覆加查核應令照上年之式三局各續鑄制錢五萬串其
十五萬串約於年內竣事俟鑄有成數隨時分批解京濟用惟洋
銅價每百斤上年合銀十二兩現長至十八兩有奇白鉛價每百
斤上年合銀四兩零現長至六兩零若照現價定購不特帑項多
耗並恐洋商居奇價益增長轉於各省購辦鼓鑄有礙且省津各
局刻卽停鑪以待輾轉購運需時亦屬緩不濟急查部購洋銅鉛
定敷一二年鼓鑄之用現在運存天津招商局者尙有一百七十
餘萬斤續來者亦復不少皆係從前銅鉛價賤時所購自應就近
撥用庶辦理不致遲誤帑項亦資節省此係代部鑄錢截留部購
銅鉛與前次部議成案相符計每局續鑄制錢五萬串各需洋銅

二十一萬斤白鉛十八萬斤擬請

旨准於部購存津項下撥給省津三局共洋銅六十三萬斤白鉛五十四萬斤俾各局分領鼓鑄剋期解運實於京城錢法有裨至其餘一切工費前擬每鑄制錢一千除銅鉛外約需匠役工食及柴炭雜物制錢二百三十八文本係約估試辦格外刻減嗣因加工磨洗錢質較潔費用稍增津局除原擬二百三十八文外實須賠貼一百五十餘文省局運路較遠各物較貴實須賠貼一百九十餘文已令該司道自行設法彌補此次續鑄若照前擬數目賠貼過多力實不逮今飭將各項工費力求核減應請每鑄制錢一千津局准銷匠役工食及柴炭雜物制錢三百文省局准銷制錢三百一十文可有不敷仍令自行賠補以示限制此外員役薪工等項每局月需銀二百兩循舊開支所有前項工費及解京運費

計每局需銀一萬五千兩並照案請

旨撥給省津三局共銀四萬五千兩仍在長蘆鹽課本年應解京餉內照數截留以濟要需統俟事竣核實造冊報銷其前次鑄錢十五萬串用過銅鉛工費運費應專案造報不與此次續鑄牽併合將代部續鑄制錢請撥銅鉛工費緣山恭摺由驛具陳伏乞

皇太后

皇上聖鑒訓示施行謹

奏

九江陸綫擬接南雄

光緒十四年四月十四日

奏爲廣東官辦陸路電綫現已造至南雄州擬將商局陸綫由九

江造至庚嶺與之相接以期官報靈通恭摺仰祈

聖鑒事竊據總辦各省電報山東登萊青道盛宣懷稟稱奉兩廣

督臣張之洞札知現由省城展造陸綫經韶州至南雄州以捷官

報該道以商電局前於光緒九年由上海接設陸綫經浙江福建

而達廣州並至香港惟浙省之蘭溪衢州閩省之浦城建甯等處

每逢春夏山水漲發輒衝壞電桿數百根修理既需時日南北

電報往往阻誤仍由洋商海綫傳遞遇有緩急究多隔閡會擬在

內地添設一路今粵省官綫既造至南雄州若商局由九江陸綫

造至庚嶺相接歷江西之南昌吉安贛州不過一千七八百里眾

商尙可勉辦其常年養綫之費所收報資或可相抵如此則一綫

偶斷仍有一綫可通既免水陸阻誤之患而洋商海綫之利亦可
漸為華局收回以期經久不做官報商情兩益詳請奏辦前來臣
查光緒九年英法美德各使請在上海設立萬國電報公司擬由
洋商添造自滬至香港沿海各口水綫經臣飭盛宣懷等勸集華
商接辦由滬至粵沿海各口陸綫以杜外人覬覦之漸而保中國
自主之權惟經由閩浙地面春夏水饑不免阻誤仍須由洋商海
綫傳遞今粵省官辦陸綫已造至南雄州盛宣懷擬將商局陸綫
由九江造至庾嶺與南雄之綫相接實屬變通得法且事歸商辦
公家不須經營締造之費而官報得以靈通洵於軍國有裨除飭
籌集商本分別勘路購料妥辦外相應請
旨飭下江西撫臣轉行經過地方官妥為照料保護勿使稍有阻
撓損壞俾昭慎重除咨總理衙門查照外理合恭摺具陳

皇太后

皇上聖鑒訓示施行謹

奏

駕駛快船回華保獎摺

光緒十四年四月二十七日

奏為遵保出洋接帶四快船回華尤為出力員弁恭摺仰祈
聖鑒事竊前因英國德國商廠訂造致遠靖遠經遠來遠快船四
號將屆工竣預派參將鄧世昌等會同洋員琅威理等帶領員弁
水勇於光緒十三年正月二日起程出洋赴英德兩廠驗收接帶旋
據駕駛回華十月底抵廈門時屆封河即在閩洋操練今年開河
後北上經臣出海驗駛均已奏蒙

聖鑒查前兩屆出洋接帶各船回華出力員弁業照異常勞績優
保之例請獎均奉

旨允准此次係快船四號派往員弁水勇五百餘名船數人數俱
較光緒七年接帶兩快船之案增倍上年二月奏報派遣摺內已
聲明俟回華後照案請予優獎奉

殊批著照所請該衙門知道欽此欽遵在案該員鄧世昌等遠涉
英德兩國往返重洋數萬里駕駛四快船並拖帶新購英廠魚雷
艇一號回華雖迭經風濤巨險未用洋行保險之費上年南洋小
呂宋一帶曾有英國兵船及日本在法國新製兵船各一艘先後
遇颶風失事該四船獨能保護慎密一路均臻穩妥且沿途勤苦
操練嚴明紀律所經各國皆稱為節制之師洵足壯軍威而張
國體其隨同經理接船事宜員弁及添雇洋員均極辛勞謹擇其
尤為出力者查照前屆成案欽遵
命旨從優酌保分開清單恭呈

御覽仰懇

天恩俯念該員等頻經艱險勞勩適常准予照擬給獎以示鼓勵
除弁口人等應給藍翎千把總等項照章另咨兵部註冊外理合

恭州具陳伏乞

皇太后

皇上聖鑒訓示謹

奏

電報報銷摺

光緒十四年四月二十七日

奏為南北各省電綫官督商辦核明光緒十二年由淮軍餉內津貼巡費並電報學堂用款循案報銷繕單仰祈
聖鑒事竊照天津至上海又天津至北通州及蘇浙閩粵等省設立電綫官督商辦由淮軍餉內開支津貼巡電弁兵糧乾並電報學堂用款業經臣截至光緒十一年十二月底止分晰彙開清單於十四年正月二十二日專摺

奏銷奉

硃批該衙門知道單併發欽此並遵照部文另造細冊咨送核銷在案查電綫經費本係淮軍用款分外之事應歸經辦之員另行報銷仍於淮軍案內將動撥銀兩照數登除飭據督辦電報事務山東登萊青道盛宣懷核明十二年分舊管存湘平銀一千九百

五十兩有奇新收湘平銀四萬五千六百六十九兩有奇開除天津至上海與北通州津貼巡護電綫馬乾口糧並修理巡房經費湘平銀一萬一千八百五兩有奇又蘇浙閩粵巡護電綫馬乾口糧並修理巡房經費湘平銀一萬三千八百六十四兩有奇實存湘津電報學堂經費湘平銀一萬三千八百六十四兩有奇實存湘平銀三千七百七十二兩有奇應歸十三年分報銷詳請核奏前來臣查電報之設信息靈通有裨軍國大計此次自光緒十二年正月起截至十二月底止開支各款均照上屆成案實用實銷並無絲毫浮冒除將支給細數分晰造具清冊咨送總理衙門戶兵工部查核外相應繕具簡明清單恭呈

御覽仰懇

天恩俯准照銷理合恭摺具陳伏乞

皇太后
皇上聖鑒
奏

籌撥朝鮮電報經費片


光緒十四年四月二十七

再據辦理朝鮮交涉通商事宜片用道候補知府袁世凱稟稱朝鮮陸路電綫前由中國籌議借款建設自奉天鳳凰邊門經該國義州平壤漢城而達仁川沿途設立四局歸中國電局代管以期中韓氣脈靈通遇事便於調撥惟該國商務初興中西商報無幾每月所收報費祇敷零星雜用所有四局委員司事華洋工匠通事測量值報繙譯各生巡綫弁兵送報夫役薪工暨油燭紙張房租等項每月除朝鮮貼銀四百餘兩實計尙短銀七百餘兩蓋因朝鮮各物皆貴銀價極賤雖竭力節省仍較中國電局費用爲多此外歲修及隨時添置物件並需用川資尙不在內前於設綫餘款項下暫行挪借現在餘款告罄該國本甚貧弱月貼四百餘金已於本年二月後停止請月行籌發經費等情經臣札飭總辦電

繞東海關道盛宣懷會同天津文應局司道安細核議茲據擬稱
袁世凱所稟皆係實情日本前設海綫至朝鮮釜山口今於漢城
月設陸綫一局西報悉歸釜綫不由仁川陸綫遞寄僅收華商報
費爲數益微朝鮮月貼之款又已停止養綫經費無出袁世凱駐
紮朝鮮因公寄華電報照章計似每年約合洋銀一萬餘元今請
自光緒十四年三月起每月撥給銀七百兩照出使各國往來報
資之例按月由上海電局赴江海關出使經費項下具領轉發
飭樽節支用按年造報然此係除朝鮮貼款就下短之數酌撥若
朝鮮貼款從此竟停則仍短缺應由袁世凱設法催收以資貼補
等情前來臣查朝鮮陸路電綫前於光緒十一年遊
旨籌議借款建設原因該國爲遼瀋屏藩毗連俄日邊境內患外
侮在在堪虞中國控制保護必有電綫以通消息否則機務阻滯

事盡落人後是以借給款項飭電局代爲管理其常年所需局用巡費等項本擬由朝鮮籌貼但該國力不能逮前僅月貼四百餘金今且停止西報又悉歸釜山日本海綫所收華商報費益微仁川漢城平壤義州四局綫經費無出臣仰體朝廷字小之義勢難漠置不問況借款設綫既已曲成於前尤不得不維持於後袁世凱駐韓經理交涉通商事宜關係重要與出使外洋事同一律其因公電報亦與出使大臣電報應行給費者無殊旣據盛宣懷等酌議自本年三月起每月於滬關出使經費項下撥給銀七百兩再設法催收朝鮮貼款以爲此綫常年用項所費尙屬無多而遇事赴機迅速實於中韓大局有裨除分咨總理衙門南洋大臣並飭江海關查照外理合附片具陳伏乞

聖鑒訓示謹



兩借洋款以應鄭工摺

光緒十四年五月初十日

奏為遵

旨兩次代借洋商銀款以應鄭工急需恭摺仰祈

聖鑒事竊臣欽奉光緒十四年四月十七日電

旨著再借洋款銀一百萬兩解工應用歸還年限並著擬奏等因

欽此除已遵辦電奏外查前因鄭工款項不敷經督辦大臣尙書

李鴻藻署河臣李鶴年河南撫臣倪文蔚

奏准先由臣息借商款一百萬兩臣以向例洋商借款必照西洋

金鎊或馬克核算其時價低昂無定往往借時價平還時價長致

受暗虧又定限至十年或二十年歸還期遠息多亦不合算今應

變通辦理當督飭河南轉運局道員何維楷與各商再四磋商適

英商匯豐有現成行平足色銀一百萬兩遂照數借用折合庫平

九十六萬八千八百餘兩不算金鈔馬克借銀還銀原平原色長
年七釐行息自光緒十四年二月初一日交齊銀兩起約期一年
按西歷三百六十五扣至十五年二月十一日期滿在津還清本
利若庫款不足至一年後再行酌展前經訂立合同將銀兩分批
解工濟川欽奉前因復督飭何維楷與英商匯豐商訂續借庫平
足色銀一百萬兩緣行平每百萬較庫平少三萬餘兩深恐工款
益形支絀是以此次續借改為庫平仍係借銀還銀平色出入一
律毫無虧耗長年七釐行息每六個月付息銀一次惟慮歸本期
限太促庫款周轉不開遂議五年分還自光緒十四年五月初一
日交齊銀兩起按中歷每屆一年還本銀二十萬兩息即遞減扣
至十九年五月初一日五年期滿還清此項本息仍在天津或上
海交付前次係按西歷扣足三百六十五日為一年此次係按中

歷十二箇月每屆五月初一日爲一年週閏不計在我均不喫虧
當飭安立合同即將銀兩委員分批解工濟用其應還本息次數
銀數年月日期均詳載合同之內已鈔錄兩次合同咨明戶部並
李鴻藻等查照至鄭工不敷之款業經李鴻藻等於前次摺內詳
明奏請續籌添撥欽奉三月初二日

硃批允准今兩次代借銀兩實爲工需緊急起見相應請

旨敕下戶部欽遵前奉

批行續籌添撥按照兩次議還本息期限數目的計分撥各省關
的款預行派定攤還本息銀數飭令先期分期解津以便如約照
數付還免致失信外人所有遵借商款並歸還年限緣由理合恭

摺具

奏伏乞

皇太后

皇上聖鑒施行謹

奏

保定請建昭忠祠片

光緒十四年五月初十日

再據總統盛軍湖南提督周盛波等呈稱同治四年捻逆北犯直東戒嚴時潘鼎新首率所部鼎軍航海入衛銘盛各軍相繼北來當捻起蹂躪各省總兵張樹珊唐殿魁先後死綏情勢岌岌諸軍忍飢苦鬪力過凶鋒任賴等逆終未能窺踰河朔追東捻甫經蕩平西捻已趨近甸解甲旬日旋即入援分道邀擊力戰饒陽安平深州之間由鉅鹿磁州一帶蹙賊入豫又戰滑潛內黃等縣賊復回竄大名突犯津沽我軍冒雨窮追疊擊於吳橋東光南皮滄州等處倍道抄出賊前大捷於津郡城南復由鹽山慶雲追入東境遂定防運圍制之策賊冒死衝撲卒不得逞七年六月滅賊在平方事之殷將士日馳百數十里不得一飽夜卽枕戈露宿或竟疾趨遠且祁寒杳雨未能少休仰仗

國威殲平巨寇而良將猛士鋒鏑疾疫死亡已多事過時平彌足
愴念現擬由該提督等集捐在保定省城建立淮軍昭忠祠將歷
次陣亡傷亡及積勞病故員弁兵勇設位人祀等情請

奏前來臣查淮軍前在蘇州湖北省城及無錫之惠山等處建立

昭忠祠奏奉

諭旨非飭地方官春秋致祭在案同治年開剿捻之役地則近畿
寇復悍突疾迫力戰比於他處艱瘁尤深仰蒙

朝廷軫念微勞論功獨厚存者高勳顯爵歿者美諡崇祠異數各

明

恩榮已極而從征將士苦戰累年限於閭閻之微未獲聲言之報
溯自防海以後徵調各軍拱衛

畿疆仍多淮部該提督等近尋戰迹感念同仇現擬就保定省城

購地建造祠宇凡陣亡傷病文武員弁兵勇分別正祀副祀依次

列入庶足妥佑穀魄激勸方來合無仰懇

天恩准照蘇州等處昭忠祠之例飭山地方官春秋致祭以彰義

烈而勵戎行理合附片陳請伏乞

聖鑒訓示謹

新購雷艇酌定餉章摺

光緒十四年五月初十日

奏爲新購英廠魚雷大快艇到華籌付價值並酌定人數餉數由北洋經費開支恭摺仰祈

聖鑒事竊查北洋創設海軍必須購製出海魚雷大快艇與鐵甲快船相輔而行方於戰守有益光緒十二年四月經臣派員與英商百濟公司訂造新式頭等出海魚雷快艇一隻計長一百二十五英尺寬十三英尺喫水六英尺六寸馬力一千匹每點鐘行二十六英里議明艇價英金六千鎊訂立合同咨會出使英國大臣劉瑞芬俟該艇造成飭派妥員按照合同認真驗試並將艇上礮位電燈雷筒魚雷及各項要件另行購配旋准劉瑞芬向各廠分別購備齊全計價英金一萬一千四百餘鎊節經買鎊附付此項雷艇造成在十二年冬閒因洋面多風行駛不便緩至十三年春

開適英德兩國訂購四快船告成飭派洋員提督銜琅維理參將
 鄧世昌管帶弁兵出洋接收令將此艇拖帶來華琅維理因重洋
 遠涉須雇洋弁水手幫同管駕拖駛兼施方期穩慎在劉瑞芬
 函商照辦並冊報驗艇看守保險電報各費開駛來華添購各件
 及辛工等項計英金二千五百餘鎊關平銀一千三百餘兩統計
 連各項英金共合庫平銀八萬五千九百餘兩因北洋防費係海
 軍衙門指撥本無多餘且各省解未足敷甚形竭蹶無從撥付又
 不便專案另請惟查有購買四快船價銀二百四十八萬兩前因
 須陸續提用先行發存英商匯豐銀行生息計收庫平息銀七萬
 八千八百餘兩原備增添船價之用今船價已敷自應將此艇價
 值等項即就息款儘數撥付以分外所得之息銀添海軍必需之
 利器實屬以公濟公一舉兩得計尚不敷銀七千餘兩在於北洋

防費內勻湊應用上年桂劉瑞芬咨稱細驗船身及輪機鍋爐均
無瑕疵試行里數較原議有盈無絀甚為靈捷十月底該艇隨同
四快船駛抵廈門當派水師統領天津鎮總兵丁汝昌赴廈一併
驗收並飭旅順魚雷營道員劉含芳將該艇應用弁兵由旅點交
丁汝昌帶往照配卽將洋弁等酌遣回國以節糜費此艇已於開
東後駛抵旅順歸隊操練臣月前出海復將該雷艇調往大連灣
海面親驗駛行速率較原有各雷艇加倍迅捷查北洋前購大魚
雷艇五隻每隻酌設管駕舵工人等三十二員名月支薪餉油燭
銀四百九十七兩此次新購頭等魚雷快艇船身較長機件繁重
應需員名薪餉應稍增益擬將管駕大副薪水略加並添用二副
以資照料共計管駕大二副舵工雷兵人等三十三員名月支薪
餉京平銀五百五十一兩至油燭一項五大艇每月各支銀六兩

此艇身長艙多應月支銀十兩計全艇月共支京平銀五百六十一兩尙屬撙節自光緒十三年十一月初一日起按大小建照數開支並酌留洋管輪一員用作教習月支薪飯關平銀二百十二兩自十三年十一月十八日卽西歷一千八百八十八年正月初一日起按西曆月分支給訂明當差六箇月將來期滿回國給予船費如續行留用屆時察看辦理所有應支薪餉等銀均在北洋防費項下發給除將此項雷艇價銀並開駛來華一切用款另行造冊報銷並將酌定人數餉數開單分咨海軍衙門戶兵部外理合恭摺具陳伏乞

皇太后

皇上聖鑒敕下各衙門查照謹

奏

挖泥機器經費片

光緒十四年五月初十日

再直屬河道泥沙過多頻患淤淺盛漲容納不下氾濫爲災必須
隨時擇要疏濬惟水中撈挖人力難施非西國新式挖泥船不克
奏效津河於十數年前曾購置第一第二兩號但尙非新式出土
難於遠送祇能傍隄挖淤其第一號因調赴旅順已在大沽口外
遭風沈失適有英商三摩答船廠寄到新樣挖泥船圖說並備卸
泥梯一架可送土至岸上十二丈以外甚爲適用當於上年四月
飭天津道胡燏棻妥籌商訂其時准總理衙門咨詢醇親王會議
黃河事宜案內聲稱德國來因河川機器船有效可仿而行之等
因業將擬購此船大略雨告總理衙門在案卽據胡燏棻與英商
議明定造新樣挖泥船一隻船身長十丈有零連隨船各種器具
計價英金六千四百鎊又機器牀一具英金一百五十鎊又運華

水腳保險費英金八百三十四鎊又雇洋匠頭二名自到辦事
之日起每名月薪三十鎊來華川資各八十鎊途中兩箇月半薪
各三十鎊其回國川資並途中半薪與來華同於上年閏四月初
十日訂立合同限五箇月造成運至大沽海口交卸一面咨明出
使英國大臣劉瑞芬派員赴廠驗視並將船價分次匯交劉瑞芬
轉付嗣該船廠經理人德拉於十一月初七日將挖泥船機器料
物等件分批運送到沽並代雇機器匠頭克拉格船匠頭瑞利士
先於十月初九日到沽當派通判朱春陶前往督帶按照合同驗
收相符工料均稱堅實就大沽船塢督飭洋匠妥爲裝配合華匠
隨同學官本年二月初一日合掘工竣下水試挖機器靈便命名
導河三月初九日拖入內河歸華匠自行駕駛即將洋匠辭退統
計船價六千四百鎊合行平銀二萬八千三百五十一兩九錢七

分機器牀與運草水腳保險費英金九百八十四鎊合行平銀四
千四百五十九兩九錢五分在大沽船塢另配料件行平銀一千
七百二十一兩七錢六分四釐洋匠頭二名在華五箇月薪水及
來華並回國川資暨途中兩箇月半薪金英金七百四十鎊合行平
銀三千一百三十三兩九錢三分雇引水公司拖入大沽船塢並
小火輪拖入內河行平銀四百兩除該船到華逾限兩月應罰扣
英金五十鎊合行平銀二百二十六兩四錢一分外共計船價等
項撥付行平銀三萬七千八百四十一兩二錢四釐查所購新式
挖泥船爲疏濬河道要需本應用正款惟值各庫支絀已勅令
南紳集捐應用仍彙人工撫案內開單奏報免造細冊至該船常
川濬河應需煙煤油燭鐵木等件委員匠役薪工每月約銀五六
百兩又須配置齒輪汽機接泥等船及隨時修理之費應均歸支

應局釐金項下核發列入該局川款造銷以資經久據胡煥棻等具詳前來除批飭照辦外所有新購西洋新式挖泥船疏濬河道由南捐撥付船價及此後常年經費配置各件歸支應局支發緣由理合附片具陳伏乞

聖鑒敕部立案謹

奏

籌撥鎮海修費煤價片

光緒十四年五月初十日

再津海關於光緒十三年修理鎮海輪船用銀五千三百餘兩前請在洋藥釐捐併徵項下動撥戶部以該關藥釐曾經撥給應用各款計有餘裕此項修費應在已撥款內支用未便另行開支等因當經轉行去後茲據津海關道周馥詳稱鎮海輪船自閩廠調津以來常年巡防北洋及朝鮮各口並轉運各營餉械差務絡繹不絕每歲例應入陽油底暨修船船面換補零件需用銀一二千兩每屆三五年須小修一次需銀五六千兩或萬餘兩若年久換配鍋爐機器則月行勘估從前此項修費歷在新增洋藥釐項下動撥實用實銷曾經報部有案嗣因洋藥釐加捐改為在關併徵其原有新增一項即經停止是以光緒十三年該船修費請在藥釐併徵項下動撥惟係初次造銷實遵舊章辦理現奉戶部以津

海關藥釐何經撥給應用各款應將該船修費在已撥款內支用
查藥釐項下已撥鎮海輪船月支薪費銀一千四百十八兩係該
船官弁兵夫月餉及行船油紗等項公費並無修費在內此外歲
撥該關八分經費五千兩津防練兵月餉一萬兩各項善舉一萬
四千兩均有專款待支尙形不足其備補經費一萬兩前已撥歸
京內加放俸餉連關道捐項解部並於籌解俸餉案內咨明實屬
毫無餘裕該船關係海防要用修費斷難無著所有上年已用銀
五千三百餘兩應請仍在藥釐併徵項下動撥以後油艙小修大
修並隨時核實勘估照案支給以免船身廢壞至輪船非煤不行
鎮海歲需煤價銀四五兩亦係實用實銷上年出海次數較多
計用煤價銀五千九百五十餘兩先領銀五千兩於藥釐第一百
九結四柱冊內造報開除其找領銀九百五十餘兩應覓人第一

白十結造報此項煤價與修費同爲兵輸萬不可少之需津關無
他款可籌應請併在藥釐併徵項下撥節支銷具詳前來臣復核
均係實情理合附片具陳伏乞

聖鑒敕部查照謹

奏

請緩鹽課奏銷摺

光緒十四年五月初十日

奏為按照歷屆成案請緩長蘆本年正課奏銷以恤商艱仍無誤

協撥京本各餉恭摺仰祈

聖鑒事竊據長蘆鹽運使賀良楨詳稱蘆商正課例限五月奏銷

自同治十年後商情艱窘節經

奏准緩至十月啟徵茲因例限將屆催令各商完納據通綱商人
晉有孚等一百二十六商稟稱直隸災歉頻仍銷滯本虧商累實
甚歷年蒙將正課展緩藉可專顧春秋兩運仍於秋運後趕緊完
課並未誤解餉期限且能增交銀數有裨餉需蓋奏銷時日稍舒
始得勉強商力今奉催照例完課苟可遵辦曷敢稍存吝莫惟
今春各商告運之數統計僅十二萬餘包已抵岸者未盡銷售未
抵岸者尙在半途上年鄭州河決南引各岸居民蕩析流離商鹽

多被衝沒去冬完交正課已屆竭歷萬分今春雖勉力告進而鹽
不能銷銀無從措其未築運之商即引地稍來銀項亟須先顧鹽
價運腳並補交上屆欠課及未完審利釐商疲累太多全指秋後
賣鹽以完現課此時實難兼顧懇將本屆正課奏銷按照歷
年成案展緩該運司詳加體察確係實情若令依限完納力不能
支徒事參追無裨實際請緩至十月啟徵仍可無誤京奉各餉並
聲明承屬鹽課奏銷應屆時隨同辦理方能彙計分數等情具詳
前來臣查長蘆正課前因商情艱窘屢次奏請展緩均已奉
旨允准但可依限催納豈容稍事稽延惟商累甚深刻值告運喫
緊實難兼顧課款相應援照歷屆成案籲懇
天恩俯准將光緒十四年正課奏銷緩至十月辦理以恤商艱即
以保全課帑屆時當督飭運司認真催徵將本屆不撥京奉各餉

除已調撥外仍於年內解清斷不敢稍任遲誤理合恭摺具陳伏

乞

皇太后

皇上聖鑒訓示謹

奏

查覆海防撥銷摺

光緒十四年五月二十四日

奏為光緒七八兩年北洋海防經費案內戶兵部刪查各款現經
逐一查覆仍請照銷恭摺仰祈

聖鑒事竊准戶兵部核覆光緒七八兩年北洋海防經費報銷一
案內有刪查各款當飭支應局司道查覆核辦茲據該司道詳稱
登榮水師添派教練官二員水長一名前奉部查業將定購鐵艦
應先期教練緣山登覆茲戶部復以鐵艦尙未到華不必先期二
三年添派查鐵艦為向來中國所未有且應行練習技藝甚屬繁
難必須先行添派教練庶船到即可補用以免重資外招至該艦
本早工竣屢備回華嗣因光緒九十年法越事起中阻遂至十
一年九月始行到津此非初派時所能預料須待二三年者嗣於
船到後即將該弁兵全數挑補任支原有薪糧實無絲毫冗費所

有冊造銀四百六十四兩三錢三分三釐三毫二絲二忽六微仍
請照數在銷又水雷營管帶幫帶柴草銀兩前奉部駁業將僻處
海濱采購爲難情形登覆茲戶部復恐沿海辦防省分援照應請
自光緒十四年正月起任支其已支之款除俟按年造報外所有
七八兩年分冊造銀八兩二錢九分四釐四毫仍請照數在銷又
水師管輪兩學堂用費前奉部查業經逐一登覆茲戶部復令或
酌刪人數或酌減支數不得過一千六百兩之譜查該兩學堂用
費前經詳咨月需銀一千六百餘兩係因管輪學堂於光緒八年
四月續行開辦其公費先按每月一百五十兩酌給俟試辦一
年有餘不足再行核定是以立案文內聲明事屬創辦一切章程
未能遽作定數嗣一年期滿所用公費照原給之數每月實不敷
銀五六十兩自應照水師學堂一律按每月銀二百兩補給免使

賠累雖酌增銀數十兩而款係實用且經聲明在先現逐一覆核
實皆事浮於人稍稱其事無可刪減該兩學堂爲水師人材所自
出卽爲海防根本所由係救養之方亟宜講求前於九年四月嚴
校各學生所習各藝頗有進益因酌仿船政成案將考取各生量
給贖銀使無室家之累得以專心肄業復隨時校試按等酌加藉
資鼓勵又因增課魚雷添雇機匠月需用費均不能不較前有增
前奉海軍衙門暨戶部查取北洋海防經費月支各款已將該兩
學堂隨時加支數目彙造清冊送核除歸入各該年起支造報外
所有七八兩年分冊造月支銀一千七百二十六兩仍請照數准
銷又水師總查洋員琅威理月支銀六百兩兵部以無成例可循
應令奏明核辦查該洋員本係英國水師副將該國派在香港等
處督帶兵船頗有本領北洋創辦水師仿照西國章程認真操練

須延英員同整理因令該洋員自向海部告假應募來津月給
薪費銀六百兩曾經鈔錄合同咨報總理衙門九年正月因辦事
出力酌加公費銀十兩十年九月請假回國十一年九月鐵艦到
津事務尤繁復募該員來津講求操練時該員已升英國水師總
兵議給每月薪費銀七百兩於次年三月到津派赴各船教練蒙
醇親王臨閱嘉獎奏奉

諭旨賞給二等第三寶星並

加恩賞給提督銜欽遵在案該員深知威奮於上年帶同員弁水
手出洋接帶英德兩廠訂購四新快船妥速回華沿途照料訓練
勤勞卓著其續募合同業經彙案鈔錄送部所有七八兩年分冊
報銀二千四百兩應請照數准銷又水師軍樂樂章一欵兵部以
營制所關應令奏明核辦查西洋各國水師皆有軍樂以壯聲威

光緒八年先後募到樂童三十五名各月給口糧銀三兩六錢又
購買樂譜及油燭等費銀一百兩業於十三年十月擇定二十人
派上鐵艦設立領隊一名月給銀十二兩幫領隊一名月給銀十
兩一等樂軍六名各月給銀八兩二等十二名各月給銀六兩餘
均裁遣俟歸入十三年分別造報所有七八兩年分冊造銀九百
六十二兩二錢六分六釐七毫應請照數准銷又在船病故之鎮
西礮船伙夫陳坦卹賞銀十五兩兵部行令將章程鈔送核辦查
北洋水師輪船員弁水手在船病故應給卹賞銀兩前飭據水師
統領丁汝昌等附議稟定水手人等每名卹賞銀十五兩員弁等
每員給予一箇月薪糧作為卹銀聞有因其生前較為得力或在
洋因風漂沒及陣亡傷亡者給予兩箇月三箇月薪糧以示優卹
北洋定章如此十三年七月奉兵部奏定水師卹賞章程應自奉

文之日起遵照新章辦理其未奉部章以先仍當按年照實發之
數造報隨案聲敘明晰所有七八兩年分冊造銀十五兩應請照
數准銷又水師學生林履中派充威遠船教練大副月支銀五十
兩兵部以威遠船自有大副不必添派查該學生本係閩廠伏波
輪船大副調津後因威遠船須添練水勇五十名操書鎗礮帆桅
各技事務甚煩卽派該學生先期隨同招募充當教練大副與威
遠船原設之大副專理船事者各有責成所有冊造銀四百五十
九兩九錢九分九釐八毫應請照數准銷又克鹿卜礮位塞門德
士運腳保險一款兵部以按照廠價已逾一五成之數與辦購西
洋軍火運腳章程不符查一五成之數係查照歷次購買軍火一
項成案約略估計至他項貨物有精巧之件廠價貴而運腳賤者
有笨重之件廠價賤而運腳貴者蓋視所占船位之多寡爲衡且

洋商係將驗保運腳等款及同時所購之物視其輕重大小將運
腳併同牽算並不分晰估報所有前項運保等費內塞門德上五
千六百五桶廠價甚賤而貨極笨重所占艙位實多運腳必須加
增是以該洋商與同時購辦之礮位等件運保各費一併核計由
出使德國大臣議明咨飭照付據實造銷實未便概以軍火運腳
一五成之數作準除九年及十一年續支各款歸入各該年造報
外所有七八兩年分冊造銀八千八百二十九兩二錢五分九釐
九毫八絲七忽八微應請照數准銷又江海關墊給洋行轉運外
洋軍火礮位運腳保險一欸兵部以僅有箱數並無廠價應補造
清冊送核查向章運保等費須由外洋運華物件始將廠價造列
至內地江海各口轉運水腳洋商輪船向係隨時議給與招商局
之附運官物立有定章者又各不同前項軍火礮械係已由外洋

運滬交收寄棧復由上海洋行分批裝搭外國輪船自滬運津
給水脚業於銷冊內聲敘明晰與外洋運華物件不同並不按廠
價核計應免補報所有冊造銀九千一百八十九兩七錢四分二
釐四毫一絲請仍照數准銷又軍械所海船雇價一款兵部以未
據聲明照何例案開支查軍械所起卸駁運礮位軍火器械等項
如山海關旅順口等處時有待用要件非遇便輪卽須專雇海船
運往按照民價議給本無例案可循所有冊報銀八百七十六兩
八錢五分三釐二毫九絲應請照數准銷等情具詳前來臣查戶
部核覆光緒元年至六年洋員支款案內聲稱本部核銷各項總
以例章奏案爲恐惟北洋所覆各節係實在情形以前用過各款
應由該大臣自行奏明辦理等因當將六年前海防報銷經部
駁查各款逐一登覆奏請准銷奉

旨著照所請戶部知道欽遵在案今七八兩年報銷事同一律且均係力求樽節實用實報無例可循應仍懇

天恩敕下戶兵兩部照數准銷以清案款理合恭摺覆陳伏乞

皇太后

皇上聖鑒訓示謹

奏

李文忠公奏稿卷六十二